

نومرو ۱۴۱

اجتهاد

۱۵ کانون ثانی ۱۹۲۲

اداره خانه سی

جفل اوغلنده « اجتهاد نهوی »

تلفون : استانبول ۸۶۵

حیاتی ، فلسفی ، اجتماعی فکر غزته سی

«اون یدنجی سنه تأسیسیه»

Adresse

Idjtihad Constantinople

Téléph : St. 865

دون و یارین

مؤلفی : کوستاولوبون مترجمی : عبدالله حودت
کچن نسخه دن مابعد

کور کورینه اینانماق، دوشونمک احتیاجندن انسانی وارسته قیلار و محاکمه نك تأثیریه ارشاد اولونه بیلمک دن انسانی منع ایدر .

*

(آلمانیا) نك محوینی کیزلیجه قرارلاشدیر اراق (انکلتره) و (فرانسه) نك (آلمانیا) یه هجوم ایتمش اولدیغنه دائر قناعت، (آلمان) قومنده زائل اولونجه یه قادار پك چوق سنه لر کچه جکدر .

*

بیر اعتقادك و یا بیر دستورك اسیری اولان انسانی، ماقوع لرک درس عبرتی ارشاد ایده من .

*

سری المنشاء قناعتلر سزایت ذهنیه و یا تلقین ایله انتشار ایدر، هیج بیر زمان محاکمه لر، معاقله لر ایله منتشر اولماز .

*

اك امین حقایق عقلیه، بیر شکل سری آلامدیقجه، اقوام اوزه رینه بیر شکوه قدرتی اکتساب و اجرا ایده من .

*

بیر فرقه سیاسیه یا خود بیر انقلاب، هیچ بیر زمان عقلی Rationnel دلائل ایله دکل، آنجاق سالکترینه غایت شدید بیر ایمان سری الهام ایتدیکدن صوکره مظفر اولور .

*

مظفریه ایمان ایدن بیر قوم نه اجلنی، نه سفالتی شدتله حس ایتمز . مقاومت معنویه سی، موفقیتدن شبهه ایتیه باشلادینی کون ییقیلیر .

*

تاسیسی ایچین خدمت ایتش اولان بوتون سری ماهیت Entité بیر مدنیت دن طی ایدیلش اولسه یدی بومدنیت فعل و اجرا ساقلرینك بیر چوغنی غائب ایدردی .

*

میدان محاربهرلرینك نتیجه سنسند صارصیلش دینی

شکلده اعتقادلرک مثالی تاریخده یوق کیی در . عصر لرجه سورن مغلوبیتدن صوکره اسلامیت حالامهیدر . (آلمانیا) نك بیر شکل دینی آلمش اولان «هه که مونیا» [حاکمیت جهان] املی، (اوروپا) ایچین بیر مدید اختلافات منبجی اولاراق قالا جاقدر .

*

شدید بیر ایمان .. مادی سلاحلرله دکل، آنجاق داها شدید بیر ایمان ایله مقابله ایدیلرک مغلوب ایدیایر .

*

سری موهومه لرله قارشى طوبلر قوتسزدر .

دوردنجی بحث

معشری قوتلر

Les forces collectives

بوتون وطنداشلرنده عینی حسیاتی، عینی دوشونجه لری و بناءً علیه عینی افعالی تولیده مستعد بیر «شیده آل» ، بیر مفکوره یه ملاک بولوندیغی وقت، بیر ملت، پك قوتلی اولور . (پروسیا) طرفندن مکتب و قیشله واسطه سیله کندیلرینه حاکمیت جهان مفکوردسی ویریلنجه «جرمن» لرک عصرلر سورن حکومتمسزلیکی [آناخیاسی] نابود اولدی .

*

بیر ملت، اوزون مدت معشری جهده آیشدیریلدیغی وقت، نهایت الامر، روح فردیسی اوزه رینه بیر روح معشری وضع ایدر و بو روح معشری، روح فردی یه تماماً حاکم اولور . بو حالده بوتون حسیاتی : غروری، شانی، قدرت و شوکته تشنه لکی هپ معشری اولور .

*

معشری [Collectif] نك فردی [Individuel] ایله استبدالی ذکائی یوکسلیتمز ؛ فقط بواسطه بدالی حیز فعله چیقاران اقوامه بویوک بیر قوه عسکریه و صناعیه ویریر .

*

معشری حسیات، فردی حسیاتك تابع اولدیغی قانونه یعنی قوتی پك زیاده لشن بیر احتراض Passion ك دیگر بوتون احتراضلره حاکم اولماسی قانونه تابع در . «آلمان» قومنك غروری [حس غروری] اودرجه ده بویومشدی، که هه که مونیا حرصنه، صنایعنك ترقیاتی ایچین

اكتفا ايدييورلردى .

*

مغلوبلرى طرفندن بيرآز استخفاف اولونان انضباط
وتغند اوصافى سايه سنده در، كه هنوز نيم وحشى «رومالى» لر،
بيرچوق لايوت متفكرلره ، آرتيست لره مالك بولونمى
اولان «يونانى» لرى تحت اسارت آلديار .

*

ميدان محاربه لرى معشرى اولمايه مبالدر . بويوك
بير رئيسك ترتيباتى ، بوكون بيرسفرىك موفقيياتى بيرقاج
ساعت ايچنده تأمين ايتمه يه كافى كله من . زمانزده بير
ظفر، بيكلرجه توانك، Energie نك يگوننى كوسته ريز .

*

بالخاصه عطش فتوحاتى بير وظيفه الهيه ايفا ايتمكده
اولدنى قناعتى اوزه رينه استناد ايتديرديكى زمان ، بير
قومك هذيان معشرى نوبتلرينه قارشى ملت لر كنديليرنى
مدافعه حالنده طوتاليدرلر . بونا بمائل بيرتلى نامنه در، كه
وقتيه (عرب) لر و (تورك) لردنيانى تخریب ايتديلر . بويله
زعملى، يالكز طوپ دفع وازاله ايده بيلير .

*

نيك بينك و بدبينك، جسارت كيبي حس لر ك ياخود
حس لر اتحادلرينك اكرثرى ، سرايت ذهنيه ايله انتشار
ايدر ؛ فقط شكل معشرى آلدينى وقت ، انتشار داه
زياده قولاي اولور .

*

روح فردى دن استحصاى اولونماسى غير ممكن
فداكارلقلر، روح معشرى دن ايسته تيله بيلير .
معشرى بير اضطرابه ، فردى اضطراب دن داه
زياده قولايلاقله تحمل اولونور .

*

حرب ائناسنده معشرى حس لر ، اك زياده فعال
حسلر اولدى . اكر صلح دن سوكره بو معشرى حسلرك
تفوق دوام ايدرسه ، اكرثرى يك خودكامانه اولان فردى
نفوذ influence لرى ضعيف لاناچاق در .

*

يابدشقا نلق Tenacité ، تساند ، انضباط .. اقوامه
دائما بويوك بيرقوت ويرمش اولان سجييه خصائلندن در .

الزم اولان صلح و مسالمتى محافظه ده كى منافعى فدا ايتديردي .

*

عوام ناسك روحنده حسيات توليد ايتك قولاي ،
بو حسياتى تقيد ايتك كوچ در . بو حسيات بويويه رك
آرتق ضبط ايديله من قوت لر اولور .

*

كورونيور كه مدنيتك تكامل حاضريله ، هر جمعيت
Société ، مشابه منفعتلره مالك وقوتلى فرديت Indivi-
dualité لر طرفندن اداره اولونان كوچوك زمهرلره
انقسام ايتمه طوغرو كوتوروليور .

*

تشكل ايتك اوزره بولونان يكي جمعيت لوده يالكز
قالان فرد ، سرعتله ازيله چك در . مشابه منفعتلره مالك
زمهرلره التحاق ايتمه ديكلجه فرد ، بوجعيتلره فيض
ورفاه نائل اولامايچاق در .

*

حسيات خصوصنده بير قومك روح معشرىسى ، فردى
روحلره فائق در . ذكا خصوصنده ، بالعكس فردى
روح لر ، معشرى روحه يك زياده تفوق ايدر .

*

مستقل بويوك شخصيتلر ياواش ياواش غائب اولماق
اوزره در . شخص معشرى L'être collectif ، شخص
فردى L'être individuel رينه تدريجا قائم اولماقده در .

*

قبيله و «ولان Clan» مرحله سنى محسوس بيردرجه ده
هنوز كچمه مش اولان ابتدائى قوملرده فردلر ، واضح
بير صورتده متشكل روح شخصيه هنوز مالك بولونماز
ويالكز روح معشرى يه مالك بولونورلر . عسكرى جلك
[ميلييتاريزم] و تكامل صناعى ، بعضى ملتلى قرون اولانك
دور معشرى سنه ارجاع ايديور .

*

بير معشرى ته [بير جمعيت] التحاق ايتك فرد ايچين ،
قوة اجتماعيه سنى آرتيرماق ، فقط شخصيتنى غائب ايتك در .

*

(يونانى) لر ، فردى بويوكلكى معشرى بويوكلكه
مرجح طوتيورلردى . (رومالى) لر فائقيت معشرى يه ايله

هیچ بیر خصصات ذکایه بونلرک یرینی طوتاما ز .

*

قرن جدید ، معشری اوسطیت Mediocrity
collective ك طرفینی تمثیل ایدر .

*

بشنجی مبحث

زلفائی قوتلر

Les forces intellectuelles

انسانلرک حیاتلرینی دکیشدیرمیش اولان بوتون
کشفیاتک خالق بولنان عقل ، بویوک بیر اقتداره مالک در .
بونکله برابر اقوامک سیرتیرینی تعیین ایدرک درجه ده
هیچ بیر زمان ذی اقتدار اولمامش در .

*

منطق عقلی ، علمی بنا ایدر؛ فقط تاریخک یکوننده
و منطق ، آنجاق یک ضعیف بیررول اوینار .

*

یالکز عقلی کننسیسه رهبر قیلمسه ایدی (آلمانیا) ،
بلا محاربات و صرف کومور زنکیئلکنه و تربیه آیه سنه
مدیون اولدینی بیر شوکت صنایه ایلر ، تفوقی (اوروپا) به
قبول ایتدیرمکچی گوروردی . سری بیر امل حریصانه ک
مسخری اولان (آلمانیا) ، بونی گورمه دی .

*

یالکز عقلی « منطق » ی رهبر اتخاذ ایتدیکلرینی
ادعا ایدن حکومتلر ، چوق سورمه دن ، رابطه سزلغه
دوشر ، صاحبالارلر .

*

پولیتیکه ده « راسیونالیزم » [یعنی هر شیئی عقل
اولچوسیه اولچمک مذهبی] ، از جمله ، ناقابل
قبول اشتعالر ، قابل قبول بیر شکل ویرمه یارار .

*

اڭ کثیر الوقوع خطا منبعلرندن بیر ی ، سری
یاخود حسی تأثیرلرک اجرا ایتدیردیکی افعالی ، عقل
ایله ایضاح ادعاسنده بولونماق در .

*

عقل ، سیرتی سوق و اداره دن زیاده ، سیرتک اسباب

موجه سنی تعیین و تقریر یارار .

*

رهبری اولدیغنه عقل ک ذاهب اولدینی افعال ک
آرقه سنده ، بو افعالی تولید ایدن مدهش بیر استجداد
Atavisme لر اوردوسی بولونور .

*

منحصراً عقل ایله فعل و حرکته بولوندیغنی ادعا
ایدن آدم ، کننسیسی نادراً فعل و اجراده بولونمایه
محکوم ایدر .

*

فراست Intuition .. دوشوندورور ، اراده .. فعل
واجرا ده بولوندورور ، عقل .. از جمله ، ایضاح
ایتمه یارار .

*

ابی استحضار اولونمامش اولان فکترلر .. ضعیف
قرارلر و بایاغی افعال تولید ایدر .

*

جهان ، شبهه سز ، عقل دن زیاده ، سوق طبیعی
نک آرقه سندن کیدر . فقط (آلمان) حکیم لری سوق
طبیعی ی اڭ ابی رهبر اقوام اعتبار ایتدیکلری حاله ،
(لاتین) حکما سی ترقی مدنی ک ، سوق طبیعی ی
علی التدریج « عقل » ، منقاد قیلماق دن عبارت اولدیغنی
قبول ایدرلر .

*

سائق طبیعی Instinctif بیر حیات پرهنسی در ،
مدنیت پرهنسی دکل .

*

ذکا اکثریا ، فعل و اجراده بولونمایه منه میال
اولدینی جهته سجه دن زیاده ذکایه مالک اولماق ، بیر قوم
ایچین ، هیچ بیر زمان فائده لی دکل در . [*] (فاتح سلطان
محمد) ، سورلری داخلنه کیرمیش بولوندیغنی صیراده
(بیزانس) ایلر یک ابی مناقشه ایدیور ، فقط یک آز
فعل و اجراده بولونیورلردی . (مابعدی وار)

[*] (شکسیر) (هاملر) ی :

عالمده تفکر در ایدن بزلری قورقاق ،

هر باقدیغز مشعل تصمیم و قراری

بیر صر صر برفین تفکر ایدر اطفای ...

دیزمی ؟ بوتفکر عقل فعال دکلیدر ؟ ع . ج

عباده جودت

[هلال مطبوعه سی]